



**FONDI SHQIPTAR
I ZHVILLIMIT**

Analist i të dhënave (Data Analyst) - niveli senior (1)

Fondi Shqiptar i Zhvillimit, mbështetur nga Programi i Zhvillimit Rajonal në Shqipëri (RDPA) në kuadër të kryerjes së Studimit fillestar (Baseline Study) për Vlerësimin e Impaktit të Programit 100 Fshatrat, është duke kërkuar shërbimet e një konsulenti individual lokal - Analist i të dhënave (Data Analyst).

Fusha e veprimtarisë: Eksperti i Analizimit të të dhënave do të punojë në planifikimin, mbikëqyrjen dhe menaxhimin e mbledhjes dhe përpunimit të të dhënave, duke përfshirë kontrollin e gabimeve, përpunimin dhe konsolidimin e të dhënave të nevojshme për të ofruar një studim bazë cilësor.

Numri i ditëve të punës: 20 ditë pune gjatë periudhës Maj - Nëntor 2022.

Përgjegjësitë kryesore: Eksperti do të jetë përgjegjës për:

- kryerjen e analizës së të dhënave dhe sigurimin e statistikave përmbledhëse;
- vlerësimin e mëtejshëm të informacionit të të dhënave të mbledhura nga anketat në terren dhe raportimin në rast gabimesh;
- mbështetjen e ekipit në shkrimin e raportit të gjetjeve të studimit;

Përgjegjësitë specifike: Eksperti do të angazhohet specifikisht për sigurimin e realizimit në kohë dhe me cilësi të detyrave të mëposhtme si pjesë e këtij studimi:

- *Detyra 1 - Përcaktimi dhe zhvillimi i metodologjisë së vlerësimit:*
Me kërkesë të Koordinatorit të Projektit, përfshihet dhe jep konsulencë në hartimin e metodologjisë, mjeteve dhe instrumenteve që do të përdoren për këtë studim vlerësimi.
- *Detyra 2 - Anketimi 1: Anketimi i Familjeve:*
Në bashkëpunim me Koordinatorin e Projektit, Ekspertin e Zhvillimit Ekonomik dhe Menaxherin e të Dhënave të Anketimit në Terren, kontribuon në kontrollin e cilësisë së të dhënave, përpunimin, analizimin dhe nxjerrjen e statistikave dhe konkluzioneve përmbledhëse.
- *Detyra 3 – Anketimi 2: Anketimi i Biznesit:*
Në bashkëpunim me Koordinatorin e Projektit, Ekspertin e Zhvillimit Ekonomik dhe Menaxherin e të Dhënave të Anketimit në Terren, kontribuon në kontrollin e cilësisë së të dhënave, përpunimin, analizimin dhe nxjerrjen e statistikave dhe konkluzioneve përmbledhëse.
- *Detyra 4 - Anketimi 3: Anketimi i Turisteve:*
Në bashkëpunim me Koordinatorin e Projektit, Ekspertin e Zhvillimit Ekonomik dhe Menaxherin e të Dhënave të Anketimit në Terren, kontribuon në kontrollin e cilësisë së të dhënave, përpunimin, analizimin dhe nxjerrjen e statistikave dhe konkluzioneve përmbledhëse.
- *Detyra 5 - Fokus grupet:*

Angazhohet sipas nevojës me kërkesë të Koordinatorit të Projektit, bashkë me pjesën tjetër të ekipit.

- Detyra 6 - Mbledhja e të dhënave dytësore:
Angazhohet sipas nevojës me kërkesë të Koordinatorit të Projektit, bashkë me pjesën tjetër të ekipit.
- Detyra 7 - Përgatitja e Raportit të Gjetjeve të Studimit Fillestar (Baseline Study):
Angazhohet sipas nevojës me kërkesë të Koordinatorit të Projektit, bashkë me pjesën tjetër të ekipit.

Kualifikimet dhe aftësitë e kërkuara: Eksperti duhet të ketë aftësi të konsoliduara në analizën sasiore dhe cilësore duke përfshirë aplikimin profesional dhe frekuent të softwareve të analizës sasiore si SPSS, STATA ose aplikacione ekuivalente.

Ai/ajo duhet të ketë të paktën 5 vjet përvojë në menaxhimin e përpunimit dhe analizimit të të dhënave për anketime.

Preferohet një diplomë në statistikë ose disiplina të tjera të ngjashme, ose ekuivalenca e eksperiencave në punë të ngjashme për të paktën 5 vjet. Trajnimet specifike në fushën e veprimtarisë së kërkuar konsiderohen vlerë e shtuar.

Koordinimi me punëdhënësin, autoritetet qendrore dhe vendore.

Konsulenti do të kontraktohet nga Programi i Zhvillimit Rajonal në Shqipëri (RDPA) dhe do të punojë nën mbikëqyrjen e drejtpërdrejtë të FSHZH-së, për të menaxhuar dhe realizuar detyrën.

Eksperti do të ofrojë përditësime/raporte javore mbi ecurinë e progresit të mbledhjes së të dhënave gjatë kryerjes së tre anketave, duke përfshirë tabelat e përzgjedhura të rezultateve, në shqip dhe në anglisht.

Gjatë përfundimit të detyrave mund të zhvillohen disa procese konsultimi, duke patur parasysh se pjesë e këtyre konsultimeve mund të jenë edhe institucione, agjenci apo subjekte të tjera shtetërore përkatëse të konsideruara si të rëndësishme për këtë studim.

Në nivel lokal, eksperti do të bashkëpunojë ngushtë me autoritetet përkatëse vendore, të cilët janë përfituesit e drejtpërdrejtë të programit.

Kohëzgjatja e Kontratës dhe Termat e Pagesës

Detyra parashikohet të përfundojë brenda **7 (shtatë) muajve**, nga data e nënshkrimit të kontratës. Koha e parashikuar e fillimit të shërbimeve është Maj 2022. Kontrata pritët të përfundojë deri më 30 Nëntor 2022.

Konsulenti do të paguhet individualisht nga programi RDPA, megjithëse ai do t'i raportojë kryesisht FSHZH-së.

Njoftim i rëndësishëm: Duke qënë se për kryerjen e këtij studimi do të angazhohen dhe konsulentë të tjerë që do të mbulojnë pozicione dhe detyra të tjera komplementare të nevojshme për kryerjen e këtij studimi, lejohet angazhimi i konsulentëve individualë që në aktivitetin e tyre të përditshëm mund të jenë pjesë e së njëjtës strukture/kompanie/OJQ.

Aplikimi Të gjithë të interesuarit, janë të lutur që të dërgojnë CV, letër interesi dhe përmbledhje të punëve të tjera të ngjashme me këtë kontratë, në adresën e-mail: burimenjerezore@albaniandf.org, jo më vonë se data 15 Prill 2022, ora 16:30.